

稗

乘

六

10538

殉身錄

錢塘裘 玉著

王禕進平江西頌 上覽而喜曰吾固知浙東有
二儒者卿與宋濂耳學問之博卿不如濂才思
之雄濂不如卿丙午同知南康元年出判漳州
上疏勸 上法天道順人心以爲祈天永命之
實五年命往諭雲南梁王不屈遇害其遺文有
華川集玉堂雜著

程國勝死鄱陽之難汪廣洋應制賦詩挽之曰黑
雲如陳壓艀艫血戰消沉一代雄鐵馬降靈忠

憤在金貂追爵聖恩隆張巡鄧重凌煙上紀信
功高汗竹中生氣尚疑君不死亘天終古作長
虹

桑世傑無爲州人戊戌攻張士誠江陰石牌寇欒瑞整

兵出戰傑奮戈陷陣死之後附祭功臣廟 國

初在廬則有精忠大節者四人曰楚公永安號

公通海蔡公德勝永又侯就世傑也

曹良臣安豐人有功三年封西寧侯五年北征孤軍

深入陷虜戰歿茅成定遠人圍蘇州軍婁門戰死

孫興祖濠人三年北伐死于五郎口胡深處州人

乙巳征陳友定馬蹶被執不屈死

花雲

懷遠人

庚子守太平友諒以舟師入寇城陷不

屈而死妻郃氏生一子煒甫三歲聞雲遇害義
不受辱以煒付侍兒孫氏令善護之遂投水死
諒軍虜孫氏至九江孫氏恐兒被害以簪珥爲
漁家姬鞠之是年冬王師敗僞漢孫脫身至漁
家視兒在矚其亡竊負以走宿陶穴中明日出
江潯僦舟以渡遇漢潰軍還爭舟摔孫氏及兒
投之江方出沒波中有斷木自上流浮至附之
入蘆渚中渚有蓮實孫氏取啖兒七日不死忽

夜聞人語聲呼之逢老父告之故與偕行明年

辛丑達上所遂撫養之年十三授千戶

許瑗

樂平人

趙忠王鼎

儀真人

皆死太平之難

韓成

虹縣人

戰鄱陽漢軍圍我師

上方設奇成謂

得如紀信誑楚遂賜龍袍冠冕對賊衆投水死

賊遂退

濮真

鳳陽人

國初征高麗被執王愛其驍勇欲降之

不屈加以刃真厲聲曰夷虜爾滅吾爾亦不日

滅矣遂剖心以示之王懼遣使入朝請罪真子

與尚在襁褓卽封西涼侯稍長令御用監鑄一

王字牌懸輿冠上每朝裨人知所遜避

孫炎一足偏跛天台丁復句容夏煜皆以詩名炎遊二人間得其真趣乙未上召用之尋遷處州總管壬寅苗將作亂幽辱之令其解衣炎曰此綺裘乃主上賜我者賊勿解遂遇害

王愷

太平人

與大海守金華同履其難曾萬中劉齊

陳海同守吉安癸卯友諒遣蔣必勝饒鼎臣來取三人被執不屈死楊國興丁未與士誠兵戰死國初封宜興城隍顯祐伯于光戊徽州召還上解連環并繚賜之二年死王保保之難孫

處與徐達北征戰死落馬河周顯張耀平定龐
煙李傑並從文忠北征死之顯尤上所愛嘗
賜所服紫繡襖

李實

潞人

十二年從沐英平西羌與敵戰于土門

乘勝深入中流矢死上特勅禮侍郎劉崧撰

神道碑

劉林洪武中土官作亂林擊賊至西竇融臺力戰
而歿上嘉其忠因改名其臺曰劉林臺

國初壬寅三月南昌降將祝宗等叛癸卯友諒圍
南昌文武諸臣與之戰死者凡十四人趙德勝

李繼先劉齊許圭趙國昭朱潛牛海龍張子明
張德山徐明夏茂成葉思成葉琛趙天麟立廟
南昌歲時祀之

癸卯四月友諒以重兵來圍洪都日久守將朱文
正遣使告急請援七月上率諸將統舟師二十
萬往討之諒解圍東出鄱陽湖以迎我師遇于
康郎山歷戊子已丑庚寅等日連與大戰一時

諸臣多效死者凡三十六人

韓忠宋貴王勝陳兆先李信姜潤丁

普郎王鳳顯程國勝后明常惟德王德王咬住
朱鼎張志雄李志高汪清常德勝鄭興袁華昌
文貴俞和陳冲王喜先汪澤丁宇逯德山羅世
榮史德勝徐公輔劉義陳弼裴軫王理王仁曹

禾

列身金

匹

二百三十

信

建祠于康郎山歲時祭之

雲蕉館紀談

魯人孔 邇述

陳友諒初以江州爲都自稱漢王迎僞主徐壽輝
以居明年弑壽輝遂僭大號時至正庚子也後
又都武昌

友諒無遠大之志處兵戈間而急于珍寶僞將征
伐必使之遍求奇寶故善承意者甚至發塚行
劫

友諒愛姬茗華夫人善月琴友諒出師必以隨呼
爲粧駕未幾物故葬于右耳峯猴溪橋側樹石

月琴以表之至今人名月琴塚

友諒聚鹿數百畜于南昌城西章江門外謂之鹿
囿嘗至其所自跨一角蒼鹿綴瑟瑟珠爲纓絡掛
于角上縷金爲花鞍群鹿皆飾以錦繡遨遊江
上 國初 駕至南昌宴于滕王閣上命儒臣
韓詩放其所畜鹿于西山

友諒在江州時嘗以春暮結綵爲花樹自府第夾
道植至匡山又剪繡鋪于道上與宮人乘肩輿
而行黃信詩云錦繡鋪張春色滿小車花下麗
人行是也

陳氏旣亡有宮人小春逃之民間嫁于蒲亭彭本
清本清問陳氏宮中事小春言後庭數百人皆
錦衣玉食用極奢侈有桑妃者陳所至愛海賈
所進金絲紐花襖紫霞帳水晶樓鳳箱皆以賜
之及敗投武昌井死又陳氏喜食玉葉羹以西
山羅漢菜及曲江金花魚爲之味頗佳

明玉珎徐壽輝臣也初倪文俊隔川蜀令珎守之
旣而陳友諒殺文俊又弑壽輝珎遂僭號改元
時至正二十三年也初都成都繼又都重慶珎
卒子昇嗣

浣花溪自唐薛濤後能以溪水造箋者絕少玼守蜀時有郡人陸子良能之巧過于濤玼于溪上建搗錦亭置箋戶十餘家令子良領其事箋有桃花鳳彩雲樣錦幅等名夏亡子良又死今不復有矣

蜀人多以醖釀花作酒未得其妙又以竹葉脩蜜貯筠管中合釀之十餘日開來香聞一室味極甘美氣更清涼至今蜀人傳其法號開襟酒

昇在重慶取涪江青嶰石爲茶磨令宮人以武隆雪錦茶碾之焙以大足縣香霏亭海棠花味倍

于常海棠無香獨此地有香焙茶尤妙

昇能飲宴會不用杯盞以大甕盛酒用忠州引藤一吸半甕夏月畏暑作露帳四面架風輪以花竹簾卧其中宮庭侈甚席地以蘇薰薦鋪錦褥于上宮人不用凳兀以此爲坐

城西清水穴亦名粉水井巴人以爲粉則膏膩鮮明昇建銀輝館于側署官掌之以供公用日給數定于宮內號其官爲花粉御使

蜀地荔枝叙州爲上昇于荔枝熟時設荔枝宴以會左右有詩云香浮琥珀御醪潤色重雞冠新

荔紅是也

廣安出紫梨到口卽化者爲佳昇取其汁和紫藤粉爲糕名雲液紫霜食之能却醉

帝王廟北極真武廟並在鷄鳴山俱國子祭酒宋訥奉勅撰記普濟禪師亦葬鷄鳴山又有都城隍廟學士劉三吾奉勅撰記

徐達墓在鍾山西有御製神道碑常遇春墓編脩宋濂撰神道碑李文忠墓春坊董倫撰神道碑吳良吳貞墓檢討吳伯宗撰神道碑顧時墓禮部侍郎劉崧撰神道碑王志墓在鍾山西

以上

同鄧愈墓在安德門裏沐英墓在府南學士吳

王景撰神道碑俞通海墓在聚寶門外學士陶

安撰碑胡大海墓在府南康茂才墓在神策門

宋濂撰碑兵部尚書唐譯墓郭子興墓

聚寶山西馮

國用墓

府南

郭英墓

以上並洪武中葬

江學庭爲祭酒

帝幸國學講易之太極言亨屯

循環治亂倚伏惟在人君謹之斯爲得耳帝悅

賜宴崇文閣詔自今講讀明于勸戒者例皆賜

宴名光儒宴

沈萬山蘇州吳縣人也家貧無產以漁爲生常于

渾乘

雲集宮已矣

四一

吳淞三泖之間撒網捕魚糞其所以具饕餮
一日飯畢就水洗碗碗忽墜水中山因撩之不
知碗所在但覺左右前後纍纍如石彈遂拾數
枚光澤迥常乃盡其所有取之然不知其爲何
物也有識者異之謂曰此烏鴉石也一枚得錢
數萬山秘不言乃變爲海賈遍走徽池寧太常
鎮豪富間轉展貿易致金數百萬因以顯富或
曰夏月山仰卧漁船上見北斗翻身遂以布襪
盛之得一杓及天明有一老者引七人挑羅擔
七條而至謂山曰汝爲我守之我將來取言訖